



BIBLIOTHECA  
UNIVERSITATIS  
JAGIELLO-  
CRACOVENSIS

6280.1

lat.komp.

HISTORIA

II



Hist. eccles.

6280.



A.

Tarowit H. Pruski

B.

1889. XVI 60.



6280 II

HISTORIA

C.

Histor. ecclesiast.

6280.




Prybylski Section III

97.

Pr. VI. 27.

Sp to  
maki das  
wmych  
Local - Res  
pentonyat  
dis' na  
ni ni  
pnydane.







SOCIETATIS IESV  
NOVVM FIDEI  
SYMBOLVM

In Hispania promulgatum:

Eiusdem.

*Notio Censoria in Symbolum  
Apostolorum.*

Habac. i.

*Adspicite in gentibus, & videte, & admiramini, & obstupe-  
te: quia opus factum est in diebus vestris, quod nemo  
credet, cum narrabitur.*



---

M. DC. XXXVI.





IESVITICVM FIDEI SYMBOLVM  
velut Canticum novum

*Ex Ioh. Baptista Poze libris conflatum, unaq;  
cum documentis necessariis ab Hispanicarum  
Academiarum Procuratore S. Inquisitionis  
Consilio Madriti exhibitum, & ad Sacro-  
sanctum Romane Inquisitionis Tribunal de-  
portatum à Francisco Roales Theologo Sal-  
maticensi & Catholici Hispaniarum Regis  
Sacellano.*

- I. **C**REDO in duos Deos, quorum vnus filij pater & mater est metaphorice in generatione æterna: alter metaphorice mater & pater est in generatione temporali: cui consequens est, vt tam Deo patri, quam B. Virgini nomen Matri pater conueniat, tamquam vterq; Hermaphroditus esset, vel Androgynus.
- II. Credo in Iesum Christum, vnicum vtriusq; filium metaphoricum secundum æternam & temporalem generationem.
- III. Credo Iesum Christum, vt hominem fuisse conceptum & natum de Maria Virgine, tanquam patre & matre metaphorice per virtutem paternam & maternam.
- IV. Cre-



- IV. Credo eundem passum & mortuum non vere & realiter, eo quod mori non potuit.
- V. Credo eundem fuisse sepultum, etsi vere & realiter non mortuum.
- VI. Credo animam eius descendisse ad inferos metaphorice, cum à corpore non fuerit separata.
- VII. Credo eadem metaphora eum à mortuis surrexisse, qua fuit mortuus.
- VIII. Credo eum adscendisse in cœlos, sedere ad dextram patris, & venturum, ut iudicet alios viuentes, alios etiamnum mortuos.
- IX. Credo in Spiritum Sanctum, qui locutus est per Prophetas nonnumquam deceptos.
- X. Credo Ecclesiam ex maiori parte Sanctam, & Sanctorum Communionem.
- XI. Credo remissionem peccatorum per repentinum Spiritus Sancti adventum super impios.
- XII. Credo resurrectionem carnis ex maiore eius parte, & vitam æternam non sine aliqua oppositi formidine.

**H**ABET hic Lector specimen nouæ Iesuitarum doctrinæ, qua illi Hispaniam imbuerunt, & magnam partem à doctrina, quam Ecclesia Romana didicit, alienarunt, ut iam Hispania eadem de Religione dissidia & bella ciuilia metuenda sint, quæ Germaniam, Galliam, Belgium, Angliam, aliasq; Europæ regiones tam miserè vastarunt, nisi tamen Hispani alienis malis doctiores facti ad saniora consilia receptum habent, & Spiritus Sancti monita exsequuntur. Prover. 26. Cum defecerint ligna, exstinguetur ignis: & susurrone detracto, iurgia conquiescunt. Proverb. 22. Eiice derisorem, & exibat cum eo iurgium, cessabuntq; causæ & contumelia.



*IMPIA, SCELERATA ET HOR-  
renda Anglicorum & Hispanicorum Je-  
suitarum Censura in Symbolum Apostolo-  
rum, ad explodendam non modo Parisien-  
sium Theologorum, sed & Sedis Apostolicæ  
Censuram, typis publicata.*

*Ex admonitione Iesuitarum ad Lectorem.*

**M**erito ac prudenter timuimus, ne Theologi Parisienses homines: versipelles ac subdoli ipsum fidei Christianæ Symbolum parili- centia & temeritate (ac nostros duos libros) profanent. Quorum co- natus sacrilegos ut pro ea, qua pollemus auctoritate præueniamus, è re- Catholica futurum arbitramur, idem Symbolum nostra Censura casti- gatum Catholicis omnibus proponere, ne quid in eo deinceps superfit, quod incautis Lectoribus offendiculum obiciat.

*Credo in Deum Patrem Omnipotentem, Creatorem:  
cæli & terræ.*

**P**rimus iste Articulus si intelligatur, quasi solus Pater sit Deus, & ð- mnipotens, & creator, filius autem & Spiritus sanctus solum crea- turæ sint: propositio est impia, blasphema, indiuiduæ Trinitatis destru- ctiva, & pridem in sacro & Oecumenico Concilio 318. Episcoporum aduersus Arii impietatem damnata. Quatenus autem soli Patri crea- tionem attribuit, noua est, temeraria, erronea, contra communem Ec- clesiæ Patrum ac Theologorum omnium sensum: prolata, cum haec- nus receptum sit tamquam inuiolabile decretum omnes Trinitatis a- ctiones ad extra esse indiuisibiliter toti Trinitati communes.

*Et in Iesum Christum, filium eius unicum, Dominum:  
nostrum.*

**T**ota hæc propositio captiosa est & fallax, in quantum omittit Ie- sum Christum filium esse naturalem & consubstantialem Patri. Sic enim periculosa est & doctrinam inducit hæreticam sæpius ab Eccle- sia in Conciliis Nizano, Ephesino & Francôfurdienfi præsentim Caro- lo Magno damnatam. 2. ratione particulæ vnicum, omissa præsertim Consubstantialis aut Naturalis. Sic enim quatenus propositio etiam

*exten-*



5

extenditur ad filios adoptiuos, de quibus ipse Dominus Psalm 81. ait: Ego dixi, Dii estis, & filii excelsi omnes. Et Apostolus Rom. 8. Quicumque Spiritu Dei aguntur, ii sunt filii Dei. Si autem filii & heredes: heredes quidem Dei, coheredes autem Christi. falsa est, piarum aurium offensiuā, & iustis omnibus & sanctis iniuriōsa. 3. Quatenus est Dominum, quod indiuisa proprietate tribus diuinis personis æqualiter conuenit, soli filio attribuit, oblique insinuans, vnicam esse diuinam personam, quæ modo Patris, modo Filii, modo Spiritus Sancti appellatione significatur, hoc iam pridem aduersus Sabellium vniuersa Ecclesia tamquam impium atque hæreticum damnauit.

*Qui conceptus est de Spiritu sancto, natus ex Maria Virgine.*

**T**ota hæc propositio æquiuocatione laborat, quæ inducere potest in hæresin propter ambiguas particulas De, & Ex: & quia ordinariæ de habitudine importat principii componentis, iuxta quam innuitur Dominum nostrum de substantia Spiritus sancti factum esse, & ita Spiritum sanctum verè dici posse Patrem Christi. Ideo propositio in hoc sensu falsa est, dolosa, hæretica, & diuinarum originum confusionem atq; euerfionem inducens. Similiter quoniam tam particula De, quam particula Ex consuetō more loquendi habitudinem prioris & posterioris includit, & eatenus insinuare videtur, Christum posteriorem Spiritu sancto, & ante Mariam non fuisse, quod pridem aduersus Nestorium tamquam falsum & hæreticum damnatum est: ideo propositio hoc sensu intellecta hæretica est. Denique si ita Christus dicitur natus ex Maria Virgine, vt quicquid in Christo est, ex ea natum statuatur, quasi Virgo etiam dici possit Mater diuinitatis, in hoc sensu propositio falsa atq; hæretica est, & in consequentia valde periculosa.

*Passus sub Pontio Pilato, crucifixus, mortuus & sepultus.*

**H**æc propositio ambigua est, & aliquo sensu hæretica: nam cum proprie in cæteris rebus ita actiones & passionēs sunt suppositorum, vt etiam naturæ eius propria & hypostasis attribuantur, & ob hanc causam mortua vel abscissa manu non recte propterea homo mortuus dicatur, nisi ipsa natura humana dissoluatur, ideo periculosa est propositio, & iuxta obuium illic sensum intellecta, quasi diuinitas aliquid passa, vel mortua fuerit, non solum hæretica est, sed etiam impia & blasphemā.

*Descendit ad inferos: tertia die resurrexit à mortuis.*

**I**n hac propositione quatenus verbum Descendit, relatum ad personam Christi, insinuare videtur, ipsam quoque diuinitatem ad inferos descen-



descendisse, cum tamen diuinitas propter immensitatem ubiq; existens moueri non possit à loco in locum, ac proinde non adscendere in cœlum nec ad inferos descendere, ideo periculosa est & inducere potest in errorem. Intellecta verò de anima Christi, si sensus sit animam Christi ad pœnas inferni descendisse, & eas re ipsa sustinuisse, propositio est hæretica, scandalosa, piarum aurium offensua, & ex Caluini doctrina lib. 2. cap. 16.

*Adscendit ad cœlos, sedet ad dextram Dei Patris  
omnipotentis.*

**I**sta quoque propositio intellecta de adscensione Christi in cœlum secundum diuinitatem, perinde vt superior, falsa & erronea est. Quatenus autem affirmat, Christum sedere indefinite, ac proinde etiã vniuersaliter id pro omni tempore statuere videtur, ideo si ita intelligatur, Christum semper sedere, vt neque stet vnquam neque etiam de loco in locum moueatur, cum & stet, & Sanctus Stephanus stantem eum in cœlo viderit, & Ioannes Apoc. 14. De Virginibus dicat, eas Agnum perpetuo sequi quocumque ipse ierit, propositio sic intellecta temeraria est, & expresso Dei verbo contraria. Denique in quantum hæceadem propositio Deo patri dextram attribuit, Anthropomorphitarum hæresin redolet, & in eum errorem inducit.

*Inde venturus est iudicare viuos & mortuos.*

**I**sta propositio quatenus ita asserit Christum ita iudicaturum esse viuos & mortuos, vt negare videatur, Patrem & Spiritum Sanctum iudicatuos, cum hæc actio, suprema atque adeo diuinæ autoritatis sit, eaque externa, ac proinde toti Trinitati communis, ideoque propositio hac ratione ad solam personam Christi, multoque magis ad solam eius naturam humanam limitata, falsa, temeraria & erronea est. Quatenus autem eadem quoque propositio asserit, Christum iudicaturum esse non modo mortuos, sed etiam viuos, ambigua est & fallax. Vnde si sensus est, quosdam homines non esse morituros, non prius vita defunctos ad iudicium esse perducendos, propositio noua est, temeraria, falsa & erronea, nec non Verbo Dei & communi Patrum totiusq; Ecclesiæ sensui contraria.

*Credo in Spiritum Sanctum.*

**H**æc propositio maligne proposita est & ex affectata breuitate merito suspecta haberi potest. Subdole enim Spiritus Sancti diuinitatem, eiusq; à patre & filio processionem tacet. Proinde Arianam hæresin redolet, schismati Græcorum obliq; fauet, indiuiduamq; Trinitatem dissoluit.

Itemque



Itemque tota explicatio diuinæ atque indiuiduæ Trinitatis, octo istis articulis comprehensa, manca & periculosa est, auertitque fidelem populum à cultu & reuerentia tribus diuinis personis indiuidue atque inseparabiliter debita, & sub prætextu breuitatis & non necessariæ explanationis subdole totum Trinitatis mysterium euertit, cum tamen perfecta eius & explicata si des medium sit ad salutem necessarium. Vixque tota hæc doctrina excusari potest à dolo, quod nullam de Filii aut Spiritus Sancti diuinitate, aut etiam æternitate mentionem faciat, sed contrarium de Filio in articulo tertio insinuet.

*Sanctam Ecclesiam Catholicam, Sanctorum  
Communione.*

**P**ROpositio hæc multiplici periculosa equiuocatione & affectata obsecritate errorem tegit. In primis enim ambiguum & obscurum est, quid sit credere Sanctam Ecclesiam Catholicam. Et si sensus est adhibendam esse fidem definitionibus Ecclesiæ cum exclusionem definitionum, quæ fieri possent à solo eius capite, quasi Papa extra Cōcilium nihil definire possit, quod sit de fide: propositio est temeraria, scādaloſa & summo Pontifici vehementer iniuriola. Deinde dubium est, quo sensu Ecclesiam dicat esse Sanctam. Et si sensus sit solos Sanctos, & non multos malos contineri, propositio falsa, & hæretica, & Verbo Dei communique Patrum sensui contraria est. Eodemque modo reiiciendum est, quod de Sanctorum communione adiungitur, si inter solos Sanctos bonorum spiritualium communio admittatur, cum fide certum sit, omnes qui in Ecclesia sunt, tam bonos quam malos, in bonorum spiritualium saltem aliquorum participatione vniri. At si per Communione Sanctorum non tantum bonorum, spiritualium saltem, sed quorumcumque etiam aliorum Communio intelligeretur, propositio esset absurda, à fide & recta ratione aliena, & Anabaptistarum confusionem induceret.

*Remissionem peccatorum.*

**I**sta quoque propositio sub his generalibus terminis concepta, vel falsa, vel periculosa est. Intellecta enim de perfecta & absoluta peccatorum omnium, etiam eorum, quæ quotidie committimus, remissione iam à Christo facta, & nobis semel in Baptismo applicata: hoc sensu hæretica est, & Sacramenti Pœnitentiæ destructiua.

*Carnis Resurrectionem.*

**S**i intelligatur de Resurrectione, quasi iā facta & amplius nō sit futura, propositio hæretica est, iam olim ab Hymenæo & Phileto asserta, & ab ipso Apost. 2. Tim. 2. dānata. Intellecta v. de resurrect. futura, sed de car-



de carne animali, hoc est, quæ iisdem animalibus desideriis, operationibus ac necessitatibus subiecta sit: propositio falsa atque erronea est, & Mahometis impietatem sapit contra expressam verbi diuini auctoritatem. 1. Corinth. 15.

*Vitam æternam.*

**H**Æc propositio quatenus indefinite proponitur, atque ita vniuersaliter extenditur ad omnes, excludendo mortem æternam, qua iniusti punientur, falsa, scandalosa & hæretica est, ianuamque vitiis omnibus aperit, & Atheistarum huius temporis impietatem atque insaniam sapit.]

*Adhuc Notio Censoria Jesuitarum.*

**H**EM, ista est prudentia & iustitia, qua se Iesuitæ vendicant, vt qui suas nouitates Romanis & Parisiensibus Censoribus probare non possunt, merito & prudenter in eo facere se iactitent, quod ipsa Spiritus sancti verba, nunquam nisi cum veneratione & horrore quodam tractanda, ad incudem vocant, & ingeniorum suorum lasciuiæ ac petulantie subiiciunt, vereque obscenarum Harpyiarum instar contactu immundo fœdare non dubitant. Sed hac de re plura Lector inueniet in Alphonsi de Vargas Relatione de Strategematis & Sophismatis Societatis

**I E S V.**



ni-  
is,  
ce-  
is,  
&  
u-  
e l,  
m.  
XI.


E-

su  
us  
ni-

ac  
ci-  
lo-

n.







Biblioteka Jagiellońska



stdr0004259



